

二 e5 旋，惡甲無人問

細漢的時，阮囡仔人足 gau5 唸：

「雙 e5 旋，惡甲無人問。」

唸咧唸咧，閣互相檢查頭毛，看啥物人是雙 e5 旋。我印象上深的，杉仔有雙 e5 旋。阮規群人刁故意共伊的頭 tshih8 落，踎伊的頭殼頂那皓那唸那算：

「一 e5 旋，二 e5 旋；二 e5 旋，惡甲無人問！」

杉仔真正有二 e5 旋，毋過伊據在阮耍，據在阮創治，攏笑咳咳，攏袂受氣。

可見，二 e5 旋，惡甲無人問，是唸鬥句而已；和死貓吊樹頭，死狗放水流這句迷信的諺語 siang7 款，是無正確的。